



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1415. usque ad annum 1431

**Fleury, Claude**

**August. Vind. [u.a.], 1768**

**VD18 90118294**

§. 89. Germanorum exercitus ad Hussitarum adventum fuga dilapsus.

---

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

Sæcul. XV.  
A. C. 1431.

Cardinali in locum suum alios substituendi potestatem concessisset, si forte ipse Præsidis partes agere impeditus foret, ideo Joannem Polmarum Capellanum Pontificium, & Auditorem S. Palatii, itemque Joannem de Ragusio Facultatis Theologicæ Parisiensis Doctorem, & Procuratorem Generalem Ordinis FF. Prædicatorum designavit, qui ejus nomine Consilio præsiderent.

## §. LXXXIX.

*Germanorum exercitus ad conspectum  
Hussitarum fugatus.*

*En. Sylv.  
hist. Boh.  
c. 48.*

Itaque Cardinalis, ne sua absentia celebrationem Concilii retardaret, Basileæ suas vices aliis committere debuit, inde vero in Bohemiam pergens, secum duxit exercitum plus quam quadraginta milium Equitum Germanorum, non computatis æque numerosis peditum copiis. Primo quidem Fridericus Brandenburgicus Elector hujus exercitus Dux oppidum Detapha oppugnare adorsus est. Milites ejus acceptas ab hostibus clades ulturi, crudelem in modum desæviebant, nec habita sexus, aut conditionis ratione passim cunctos trucidantes. Postquam vero Germani Hussitas imminere comperissent, eorum animos tam subitus pavor invasit, ut una omnes turpissimam fugam

*Michov. lib. 4  
c. 52.*

fugam caperent, nequicquam Cardinale Sæcul. XV.  
 eos ad pugnandum, hostemque strenue A. C. 1431.  
 excipiendum cohortante. Eo ex tempo-  
 re Curia Romanæ Ministri haud amplius  
 ad Bohemicum bellum copias obtinuere.  
 Equidem Albertus Austriae Dux paulo  
 benigniore fortuna in Moravia utebatur;  
 Moravos enim ejus imperio sese subjice-  
 re, ac parere compulit, injuncta lege,  
 ut circa Religionem id tenerent, quod  
 Basileense Concilium decerneret; Quia  
 vero Germanorum fuga Cardinali impu-  
 tabatur; hic calumniam absterfit, datis  
 ad Papam literis, quas ad nostra usque  
 tempora delatas Æneæ Sylvio in acce-  
 ptis referimus. Memorant nonnulli, co-  
 pias præcipiti adeo fuga dispersas, ut ca-  
 stra cum toto belli apparatu hostibus in  
 prædam cesserint, & ipsa Legati Crux,  
 atque vestimenta ab Hussitis occupata,  
 ludibrio, & irrisionibus exposita fuerint.

## §. XC.

*Hussitæ Basileam Deputatos mittere  
 rogati.*

Extrema Papæ, ac Sigismundi Impera- Cochl. hist.  
 toris spes in Synodo posita erat; cum Hussit. l. 6.  
 etenim probe perspectum haberent, quod  
 hosce Bohemiæ hæreticos armorum vi  
 compescere non possent, cum Catholi-  
 corum copiae infauftis semper præliis di-

R r 5 micas-